

卷一百一十七



歷代史纂左編卷第一

明都察院右僉都御史 淮揚軍務前左春坊右司諫 兼翰林院編修 武進唐順之編輯

太子太保兵部尚書都察院右都御史總督浙西等處軍務新安胡宗憲校刊

門生 袁 工 革

武進左 杰 校正

君

漢高祖

彭越

陳 蒯

黥布 吳芮

歷代史纂左編一百四十二卷 嘉靖四十年序新安胡氏校刊本
明 唐順之 輯
卷一百一十七
史 史鈔
史部 史鈔 3
B4361100

書名 澤之披夢與
撰者 龍放
卷 已而有如
內容分類 產高祖高祖為
索書號 隆準而龍顏
編號

彩色首頁1

[東洋文化研究所漢籍目錄 編號: B4361100](#)

[東洋文化研究所漢籍目錄所藏漢籍善本全文影像資料庫 索書號: 史部 史鈔 3](#)

[漢籍善本全文影像資料庫文本 歷代史纂左編一百四十二卷 嘉靖四十年序 新安胡氏校刊本](#)


版權所有: [東京大學 東洋文化研究所 使用上的注意事項](#)

所究研京東院學化文方東
No. 685
フ
ニ

0 1 2 3 4 5 6 7 8 9 10



歷代史纂左編卷第一百一十七



夷諸蠻

諸蠻族類不一大抵依阻山谷並林木為居椎髻跣足走險如履平地言語侏離衣服褊爛畏鬼神喜淫祀刻木為契不能相君長以財力雄彊每忿怒則推刃同氣加兵父子間復讐怨不顧死出入腰弓矢匿草中射人得牛酒則醜然矣親戚比隣指授相賣父子別業父貧則質身於子去禽獸無幾其族鑄銅為大鼓初成懸庭中置酒以祭而類爭以金銀為大釵叩鼓去則以釵遺主人相攻擊鳴鼓以集眾號有鼓



頁木

史考右編卷三十一
者爲都老衆推服之唐末諸酋分據其地自爲刺史
宋興始通中國奉正朔修職貢間有桀黠貪利或疆
吏失於撫御往往聚而爲寇掠抄邊戶朝廷禽獸畜
之務在羈縻不添治也熙寧間以章惇察訪經制蠻
事諸溪峒相繼納土願爲王民始剏城砦比之內地
元祐初諸蠻復叛朝廷乃務休息乃詔諭湖南北及
廣西路並免追討廢堡砦棄五溪諸郡縣崇寧間復
議開邊於是安化上三州及思廣諸峒蠻夷皆願納
土輸貢賦及令廣西招納左右江四百五十餘峒尋
議者言以爲招致熟蕃非便乃詔悉廢所置州郡

復祖宗之舊焉紹興初監察御史明橐言湖南邊郡
及二廣之地舊置溪峒歸明官比年寔廣其員及諸
州措置隘砦闕人把拓又令管押兵夫素不習知法
令率貪婪無厭况管押又皆鄉民甚爲邊患遭困苦
折辱者往往無所赴愬議者欲俾帥臣籍其姓名每
三年一遷易如州縣官故事或云止循舊添差並罷
管押兵夫宜令二廣湖南帥臣處置適宜無啓邊禍
以害遠人詔下其議明橐言平觀二州本王口高峯
一砦處廣右西偏舊常無虞崇寧大觀間邊臣啓橐
奏請置州拓境深入不毛如平從允孚庭觀溪馴叙

樂隆允等十有二州屬之黔南其官吏軍兵請給費用悉由內郡於是騷然莫能支吾政和間朝廷始悟其非罷之或者謂平州爲西南重鎮兼制王江從允等州及湖南之武岡軍湖北之靖州桂州之桑江峒徭觀州則控制南丹陸家砦茆灘十道及白崖諸蠻以故二州獨不廢臣自歷邊卽乞罷平觀者前後非二觀州初爲宜州富仁監大觀間帥臣王祖道欲招納文蘭州都巡檢劉惟忠謂得文蘭不若取南丹之利因誣其知州莫公佞阻文蘭不令納土爲公佞罪惟忠遂禽殺公佞帥司奏其功乃改南丹爲觀州命

惟忠守之公佞之死人以爲寃其弟公晟結溪峒圖報復連歲攻圍惟忠中傷死黃忱復建議欲增築高峯砦於富仁監側爲觀聲援會朝廷罷新邊遂請以高峯砦爲觀州設知州一人吏額五十人廂禁軍土丁家丁又千餘人歲費錢一萬二千九百餘貫米八千餘石有奇州無稅租戶籍皆仰給鄰都飛輓涉阻險或遇蠻寇設伏陰發毒矢中人輒死人畏賊率委棄道路縱然達州糜費亦不可勝計昔爲富仁監時不聞有警惟是邊吏欲以刺探爲功故時時稱警急因以爲利遂欲存而不廢也比年戶籍日削民多流

離或轉入溪峒公私困弊為甚平州初隸融州亦羈
縻州峒也舊屬湖北渠陽軍置融江峒及臨溪潯江
堡後以地隔生蠻遂廢崇寧間復隸融王口峒北接
王江更為懷遠軍後更為平江州更王江為允州並
隸黔南致和二年復廢邊吏誑其帥臣乞存平州設
知州一人吏額百人禁軍土丁千人歲費錢一萬七
千三百貫米一萬石有奇州無租賦戶籍轉運司歲
移桂融象柳之粟以給之及徙融州西北金溪鄉稅
米四百餘石隸懷遠縻費甚於觀州況守臣到任即
奏推恩其子州縣峒峒例得遷官酬賞而稅場互有

之利又為守口邊吏所私獨百姓有征戍轉輸之苦
誠為可憫臣以為宜罷平觀二州便然尚有可議者
觀州初為富仁監時其銀冶土官取其利又常額熙
寧元降條例具在宜其下經畧司責公晟等依照寧
條例施行況公晟首任佞弟理宜掌州事近雖逃歸
未為蠻族信服察其情勢不得不倚重中國若乘時
授之彼知恩出朝必深感悅詔從其言乾道二年
詔補蒙澤進武副尉初宜州蠻真才都為亂廣西經
畧劉焯遣進武副尉蒙明質賊巢諭降才都既而復
肆猖獗賊官兵未幾會才都械送經畧司伏法悉

破其黨而明亦遇害備極慘酷邊人憐之惇乞推恩其子澤以旌死事朝廷從之故有是命淳熙十一年廣西路鈐轄沙世堅言官軍與徭人兵器利鈍不同宜勅沿邊軍多置強弩毒矢以懼徭人從之是年安化蠻蒙光漸率眾抄掠世堅討平之初知宜州馬寧祖不支蠻砦鹽錢執議以爲前所積通止給錢一月不能遍及蠻部遂致激變光漸等詔罷良臣勅帥漕以時紿溪峒鹽錢十二年廣西漕臣胡庭直上言邕州之左江永年太平等砦在祖宗時以其與交趾鄰壤實南邊藩籬重地故置州縣藉其丁壯以備一日

之用規模宏遠矣比年邊民率通交趾以其地所產鹽雜官鹽貨之及減易馬鹽以易鹽忽而不防恐生邊釁所宜禁戢旣而諸司上言經畧司初準朝旨置馬鹽倉貯鹽以易馬歲給江山諸軍及御前投進用銀鹽錦悉與蠻互市其永平等砦所易交趾鹽貨居民食皆舊制也况邊民素與蠻夷私相貿易官不能制今一切禁絕非惟左江居民乏鹽而蠻情亦叵測恐致乖異也乃牒邕州禁民無私販交趾鹽以妨鈔法紹熙初以沙世堅兼知宜州府十一年臣僚復上言慶曆間張方平嘗以爲朝廷每備西北孰知徭蠻衝

突嶺外南鄰交趾其須經營唐時西備吐蕃其後安南寇邊旋致龐勛之禍國朝每憂契丹元昊而儂智高陷邕州南徼騷動天子爲之旰食豈細故哉臣等比見淮甸間版築符與更戎日益而廣南城隍推圯不葺戍兵逃亡殆盡春秋教閱郡無百人雖有鄉兵義丁上丁之名實不足用緩急豈能集事宜於嶺南要地增築城壘籍兵民兵歲時練習定賞罰格以示懲勸如此則號令嚴明守禦完固民習戰鬪可息徭蠻侵掠之患措四十州民於久安之域矣詔從之撫水州在宜州南有縣四曰撫水曰京水曰多逢曰

古勞唐隸黔南其酋皆蒙姓別有區廖潘吳四姓亦種水田採魚其保聚山險者雖有畚田收穀粟甚少但以藥箭射生取鳥獸盡卽徙他處無羊馬桑柘地曰帚洞五十里至前村川原稍平合五百餘家夾龍江居種稻以湖湘中有樓屋戰棚衛以竹柵卽其酋所居兵哭有環刀標牌木弩善爲箭中者大叫信宿死得邕州藥解之卽活雍熙中數寇邊境掠取民口畜產詔書招安官其酋豪咸平中又數爲寇盜止令邊臣驅逐出竟其黨狡猾者凡三十餘人宜州守將因擒送闕下上召見詰責之對曰臣等蠻陬小民爲

饑寒所迫耳上顧謂左右曰昨不欲盡令殺戮顧無
噍類矣因釋罪賜錦袍冠帶銀綵戒勗遣之逾年酋
長六十五人詣闕納器甲又蒙漢誠蒙填來朝上器
甲數百及毒藥箭誓不搔邊比歲皆遣使來貢及輸
兵器乃授漢誠官既而侵軼如故祥符六年首領蒙
但挈族來距徙於桂州九年數寇宜融州界轉運使
俞獻可言知宜州董元巳不善緩撫昨蠻人饑來質
餽糧公縱主者剋剝槩量及求入貢復驟沮其意遂
使忿恚為亂詔黜元巳遂遣潭州都監季守睿代元
巳招撫群蠻拒命侵掠不已獻可請以木道澄海軍

及募壯丁進討乃詔益以潭州兵五千人命平州刺
史曹克明為宜融等州安撫使上猶以蠻夷異類攻
剽常理不足以勦絕又意其道險難進師第令克明
獻可設方畧攝其酋首索所鈔生口因而撫之克明
獻可上言蠻人去冬寇天河今又鈔融州諸砦剽劫
居民累依宜旨詔諭曾不悛革臣請便宜掩擊從之
克明乃領兵入樟嶺路文慶王趨宜州西路又令宜
桂都巡檢程化鵬取樟嶺古牢隘路會合化鵬遇蠻
於上房兩水口擊破之文慶王至如門圍為蠻所扼
不能進克明乃過橫溪恩德砦召山獠嚮導開路進

師壘依篁竹間時出戰鬪輒敗走旬餘上黃泥嶺杉木隘路溪谷險邃壘據要害以拒官軍自辰至午大潰其黨遂過霸苑抵帝洞乃入中房前村克明等頓兵下砦中夕羣蠻大譁譟擊鉦鼓攻砦甚急出兵擊之傷殺頗衆因縱火焚其廬室積聚自此恐懼竄入山谷又緣龍江南岸而東至昏暮過石峽隘險士不並行壘復連弩北岸克明遣猛士步涉與鬪至即退走砦于下房博賀村克明設伏砦外其夜蠻衆大集遇伏發內外合擊追斬殆盡乘勝搜山悉得馬牛亭士李克明等知其窮蹙乃曉諭恩信許以改過於吳

酋帥蒙承貴等面縛詣軍自首克明厚加犒宴且數責之皆俯伏謝罪及聞詔旨赦令勿殺莫不泣下北望稱萬歲上以夷性無厭習知朝廷多釋其罪故急則來歸緩則叛去切詔克明等諭以悉還所掠漢口資畜卽許要盟承貴等感悅奉詔乃歃猫血立誓自言奴山摧倒龍江西流不敢復叛克明等師還宜州蠻人納器甲凡五千數願遷處漢地者七百餘口詔分置廣西及荊湖州軍給以田糧凡立功使臣將校遷補賜資之者千八百一十六人承貴因請改州縣名以固歸順之意詔以撫永州爲安化州撫水縣爲

歸仁縣京水縣為長寧縣自是間歲朝貢不復為邊患矣

黎州諸蠻凡十二種曰山後兩林蠻在州南七日程曰邛部州在州東南十二程曰風琶蠻在州西南一千一百里曰保塞蠻在州西南三百里曰赤部落蠻在州西百里曰西等蠻在州西三百里曰淨浪蠻在州南百五十里曰白蠻在州東南一百里曰烏蒙蠻在州東南千里曰阿宗蠻在州西南二日程凡風琶兩林邛部皆謂之東蠻其餘小蠻各分隸焉邛部於諸蠻中最驕悍狡譎招集蕃漢亡命侵攘他種閉其

道以專利曰大雲南蠻曰小雲南蠻卽唐南詔今名大理國夷俗尚鬼謂主祭者鬼主故其酋長號都鬼主後唐始來貢開寶二年勿兒遣部落以狀白黎州來朝賜以器幣由黎州南行七日而至其地又一程至舊州舊州今廢空城中但有浮圖一又二程至建昌城又十七程至雲南八年懷化將軍勿尼等六十餘人來貢詔以勿尼為歸德將軍與國二年下詔曰山後兩林蠻主歸德將軍勿尼懷化將軍勿兒等克慕聲名遠修職貢並增環衛之秩俾為夷落之榮勿尼可特授歸德大將軍勿兒可特授懷化大將軍

印部州蠻亦曰大路蠻亦曰勿登居漢越舊郡會無
縣地其酋長自稱百蠻都鬼主開寶三年都鬼主阿
伏入貢六年阿伏與山後兩林蠻土勿兒言語相失
勿兒率兵侵印部州頗俘殺部落黎州以聞並賜詔
慰諭令各守封疆勿相侵犯雍熙二年都鬼主諾驅
自部馬二百五十匹至黎州求互市詔增給其直諾
驅令譯者言更入西蕃求良馬以中市至道元年西
川亂王繼恩討平之遣嘉州牙校辛顯宗使諾驅復
請朝覲通嘉州舊路繼恩上言通嘉州路非便只令
於黎州賣馬詔不允乞給印以大渡河南山前後都

鬼主為文從之天聖八年十月印部州都蠻主黎在
遣卑郎離滅等來貢方物時占城龜茲沙州亦皆入
貢至以家自隨某官晏殊因請圖其人物衣冠并訪
道里風俗以上史官詔可乾道元年詔以崖轆襲都
鬼主淳熙元年吐蕃寇西邊崖轆率眾掩擊詔嘉其
功二年兩林蠻王攻印部州之籠壅城不克大掠而
去崖轆追之不及八年詔黎州屯戍土軍禁軍及西
兵遇有邊事並聽本州守臣節制嘉定九年印部州
逼於雲南遂伏屬之其族素效順捍禦邊陲既折歸
雲南失西南一藩籬在

齊落蠻有劉... 淳熙七年十月黎州五部落
蠻貢馬三百匹... 附詔許通互市... 鄒其所獻馬制
置使范... 大增黎州五砦籍強壯五千人為戰兵吐
蕃入寇之徑凡十有八皆築堡戍之淳熙十二年趙
汝愚代為制置使時虛懷蠻族最強破小路蠻併其
地與黎州接壤請通互市汝愚以黎州三面被邊若
更通虛恨蠻恐重貽他日之憂不若拒之為使帝以
其知大體從之嘉定元年十二月西箐箐卜由惡水
渡河寇黎州初蓄卜餘悶巴至三衝為人所殺箐卜
詣邛部州欲假道女兒城以入寇守臣諜知之數以

費遺其都主母俾母假道時時餽米以濟其饑... 入
德之會趙公庀代為郡靳不與蓄卜遂得假道渡河
攻茆坪砦遣統領王光世往禦羌人由茆坪以革船
渡河光世憚之蓄卜三衝不敢進羌人焚掠既盡渡
河而歸復寇黎州... 溪砦官軍敗績八年蓄卜降他
如浮浪蠻白蠻烏蒙蠻阿宗... 其地... 所服屬
云

叙州三路蠻... 西曰董蠻正西曰石門... 南曰南
廣蠻董蠻在馬湖江古夔侯國也唐置... 聘浪商
四州之地其酋董氏宋初貢馬自稱馬湖... 都王子

昭

其地北近犍為之沐州南唐蠻在欽州慶符縣以西
為州十有四大觀二年夷酋各以其內屬詔建茲純
祥三州後皆廢不門蕃部與臨流土羌接唐蠻播等
十二州之地俗椎髻披袒佩刀居必櫛櫛不喜耕稼
多畜牧其人精悍善戰鬪自為湖南廣諸族皆畏之
蓋古浪稽魯等諸部也

瀘州西南徼外古羌夷之地漢以來王侯國以百數
獨夜郎滇邛都僑昆明徙苴都冉駝白馬氏為最大
夜郎在漢屬牂牁郡今涪州之西溱播珍等州封域
也滇在漢為益州郡今姚州善闡之地是也邛都



舊州會同川與吐蕃接今邛都建昌州所居也舊今
舊州昆明在黔瀘徼外今西南蕃部所居也徙今雅
州嚴道地苴都在黎州南今兩林及野川蠻所居之
地是也冉駝今茂州蠻之山夷地是也白馬氏在漢
為武都郡今階州汶州蓋羌類也此皆巴蜀西南徼
外蠻夷也自黔恭以西至涪瀘嘉叙自階文折而東
南至威茂黎雅被之十餘郡綿亘數千里剛夷惡獠
殆千萬計自治平之末訖于靖康大抵皆通互市奉
職貢雖時有剽掠如風竊殺無不能為殊患參考古
今辨其封域以見環豳之亡三檉航之所及者爾若

大邊荆楚交廣則係之溪峒云清小夷者羈縻十五
州五國蠻也襍種夷僚散居溪谷中慶曆初瀘州言
管下溪峒十州有唐本朝所賜州額今烏蠻土子得
蓋居其地部族最盛旁有舊姚州廢已久得蓋願得
州名以長夷落詔復建姚州以得蓋為刺史鑄印賜
之得蓋死其子竊號羅氏鬼主鬼主死子僕夜襲其
號浸弱不能令諸族烏蠻有二酋領曰晏子曰斧望
常入漢地鬻馬晏子所居直長寧寧遠以南斧望所
居直納溪江安以東皆僕夜諸部也晏子距漢地絕
近猶有清井之阻斧望近納溪以舟下瀘不過半日

一酋浸強大擅劫晏州山外六姓及納溪二十四姓
生夷夷弱小皆相與供其實熙寧七年六姓夷自清
井謀入寇命熊本經制之本將蜀兵募土丁及夷界
黔州弩手以毒矢射賊賊驚潰於是山前後長寧等
十郡八姓及武都夷皆納附提點刑獄范百祿作文
以誓之曰蠢茲夷醜清溪之流為雁為豺憑負固圉
殺人于貨頭顱草莽莫慘燔炙莫悲奴虜狙獍熟慝
胡可悉數疆吏苟玩噤不莖語奮若之歲曾是疆禦
躑躅嘯聚三壕羅募償我將佐戕我士伍西南驛騷
帝赫斯怒帝怒伊何神聖文武民所安樂惟曰慈撫

民所疾苦惟口破去乃用其良應變是許弼熊喬孫
爰馭貔虎殲其渠酋判其黨與既奪之心復斷右股
攝提孟陬徂征有叙背孤擊虛架入厥阻兵從天下
鐵首具舉紛紜驩香莫敢嬰忤火其巢穴及其困野
暨其貴畜墟其林舞於傷係縲以百千數涇灘望風
悉力比附丁為帝民地曰王土投其器械藉入官府
百死一贖莫保銅鼓軟盟神天視此狗鼠敢忘誅絕
以于罪罟乃稱上恩俾復故處殘醜厥角泣血懇語
天子之德雨暘覆護三五噍類請比涇作大邦有令
其戒警汝天既汝貸汝勿予侮惟十九姓往安汝堵

吏治汝績汝力汝布吏時汝耕汝稻汝黍懲創于今
匹休往古小有堡障大有城戍汝或不聽汝擊汝捕
尚有虢將突騎強旅傳此黔軍毒矢勁弩天不汝容
暴汝居所不汝遺育悔於何取立石于武寧砦熊本
言二酋桀黠不羈縻之則諸蠻未易服遂遣人說誘
招納於是曼三各望及僕夜皆願入貢受王命曼子
未及命而死以各望知歸來州僕夜知姚州以各
望之子乞弟曼子之子祿路並為祀截於西南夷部
巡檢八年俞州獠寇南州獠酋阿訛率其黨奔各望
熊本重賞徵斬訛訛桀黠習知邊境虛實奔各望匿不

史記卷之七十一 七十一
殺詭降于納溪訛得不死甚德斧望爲何邊際會斧
望老厭兵以事屬乞弟遂與訛侵諸部十年羅苟夷
犯納溪砦初砦民與羅苟夷競魚苟誤毆殺之吏爲
按驗夷已忿謂漢殺吾人官不償我骨價反暴露之
遂叛揭點刑獄穆珣言納溪去瀘一舍羅苟去納溪
數里今托事起端若不加誅則爲蠻觀望爲害不細
乃詔涇原副總管韓存寶擊之存寶召乞弟犄角討
蕩五十六村十二圍蠻乞降願納土承賦租乃詔罷
兵元豐元年乞弟率晏州夷合步騎六千至江安城
下責平羅苟之賞城中守兵纔數百震恐不能授甲

蠻數日乃引去知瀘州喬叙要欲與盟遣梓夔都監
王宣以兵二千守江安仍奏以乞弟襲歸來州刺史
遣小校楊舜之召乞弟拜勅乞弟不出遣就賜之亦
不見而令小蠻從舜之取勅以去喬叙因祿賂以賄
招乞弟乃肯來三年盟于納溪蠻以爲畏已益悖慢
盟五日遂以衆圍羅箇牟族羅箇牟熊本所團結熟
夷也王宣往救之蠻解圍合力拒官軍宣與一軍皆
沒事遂張驛召存寶授方畧統三將兵萬八千趨東
川存寶怯懦不敢進乞弟送款給降存寶信之遂休
兵于綿梓遂資間四年詔以環慶副總管林廣代存

實按存寶逗撓誅之熟夷揚光震殺阿訛詔林廣與
光震同力討賊乞弟恐復送款帝以其前後反覆無
真降意督廣進師廣遂破樂共城至斗蒲村斬首二
千五百級次落婆乞弟乃納降廣盛陳兵以受之對
語良久乞弟疑有變引衆遁廣帥兵深入會大雨雪
浹旬始次老人山山形劍立度黑崖至鴉飛不到山
五年正月次歸來州天大寒然桂爲薪軍士皆凍墮
指畱四月求乞弟不可得內侍麥文炳問廣軍事廣
曰賊未授首當待罪文炳乃出所受密詔曰大兵深
入討賊期在梟獲元惡如已破其巢穴雖未得乞弟

亦聽班師軍中皆呼萬歲曰天子居九重明見萬里
外乃以衆還自納溪之役師行凡四十日築城樂共
城江門砦梅嶺席帽溪堡西達涪井東道納溪皆控
制要害捷書聞赦梓州路以歸來州地賜羅氏鬼主
乞弟既失土窮甚往來諸蠻間無所依帝猶欲招來
之命知瀘州王光祖開諭許以自新會其死

施州蠻者夔路徼外熟夷南接梓荆諸蠻又與順富
高溪四州蠻相錯蓋唐彭水蠻也咸平中施蠻嘗入
寇詔以鹽與之且許其以粟轉易蠻大悅自是不爲
邊患後因饑又以金銀倍實直質于官易粟官不能

禁熙寧六年詔施州蠻以金銀質米者估實直如七年不贖則變易之著為令熊本經制清井事蠻酋田現等內附施黔比近蠻子弟精悍用木弩藥箭戰鬪趨捷朝廷嘗團結為忠義勝軍其後瀘州清井石泉蠻叛皆獲其用

古者帝王之勤遠畧耀兵四裔不過欲安內而捍外爾非所以求逞也西南諸蠻夷重山複嶺襍厠荆楚巴黔巫中四面皆王土乃欲揭上腹之征以取不毛之地疲易使之衆而得梗化之氓誠何益哉樹其酋長使自鎮撫始終蠻夷遇之斯計之得也然無經

之策以控馭之猩鼯之性便於跳梁或以僮言際相或或以饑饉所逼長嘯而起出則衝突州縣入則負固山林致煩興師討捕雖能殄除而斯民之荼毒深矣宋恃文教而畧武衛亦豈先生制荒服之道哉西南溪峒諸蠻繫瓠種唐虞為要服周世其衆彌盛宣王命方叔伐之楚莊既霸遂服於楚秦昭使白起伐楚畧取蠻夷置黔中郡漢改為武陵後漢建武中大為寇鈔遣伏波將軍馬援等至臨沅擊破之柔帥饑困乞降歷晉宋齊梁陳或叛或服隋置辰州唐置錦州溪州巫州叙州皆其地也唐季之亂蠻酋分據其地

自署為刺史晉天福中馬希範承襲父業據有湖南時蠻徭保聚依山阻江殆十餘萬至周行逢時數出寇邊逼辰永二州殺掠民畜無寧歲太祖既下荆湖思得通蠻情習險阨勇智可任者以鎮撫之有辰州徭人秦再雄者長七尺武健多謀在行逢時屢以戰鬪立功蠻黨服之太祖召至闕下察其可用擢辰州刺史官其子為殿直賜予甚厚仍使自辟吏屬予一州租賦再雄感恩誓死報效至州日訓練土兵得三千人皆能披甲渡水歷山飛墜捷如猿猱又選親校二十人分使諸蠻以傳朝廷懷來之意莫不從風而靡



得降表以聞太祖大喜復召至闕面加獎激改辰州團練使再雄盡瘁邊圉五州連袤數千里不增一兵不費帑庾終太祖世邊境無患又有溪州刺史彭士愁等以溪錦獎州歸馬氏立銅柱為界建隆四年知溪州彭允林前溪州刺史田洪斌等列狀歸順詔以允林為溪州刺史洪斌為萬州刺史乾德五年以溪州彭允足為濮州牢城都指揮使彭允賢為衛州牢城都指揮使珍州田思曉為博州牢城都指揮使允足等溪峒酋豪據山險持兩端故因其入朝而置之內地太平興國七年詔辰州不得移部內馬氏

所鑄銅柱淳化二年荆湖轉運使言富州向萬通殺
皮師勝父子七人取五臟反首以祀魔鬼朝廷以其
遠俗令勿問至道二年上親祀南郊富州刺史向通
漢上言聖人郊祀恩浹天壤况五溪諸州連接十洞
控西南夷戎之地惟臣州自昔至今為辰州墻壁障
護辰州五邑王民安居臣雖僻處遐荒洗心事上伏
望陛下察臣勤王之誠因茲郊禮特加真命詔加通
漢檢校司徒進封河內郡侯咸平元年通漢又言請
定租賦真宗以荒服不征弗之許五年通漢州路轉運
使丁謂言溪蠻入粟實緣邊砦柵頓息施一萬諸州

餉之弊臣觀自昔和戎安邊未有境外轉糧給我戍
兵者先是蠻人數擾上召問巡檢使侯延賞延賞曰
蠻無他求唯欲鹽爾上曰此常人所欲何不與之乃
詔諭丁謂謂即傳告陬落群蠻感悅因相與盟約不
為寇鈔負約者衆殺之且曰天子濟我以食鹽我願
輸與兵食自是邊粟有三年之積初益州軍亂議者
恐緣江下峽乃集施黔高溪蠻豪子弟捍禦羣蠻因
熟漢路寇畧而歸謂等至即召與盟令還漢口既而
有生蠻違約謂遣高州義軍務頭角田承進率衆及
發州兵擒獲之焚其室廬皆震懼伏罪謂乃置尖木

若施州界以控扼之自是寇鈔始息邊溪峒田民得耕種祥符元年夔州路言五團蠻嘯聚謀劫高州欲令暗利若援之上以蠻夷自相攻不許發兵澧州言慈利縣蠻相讐劫知州劉仁霸請率兵定之上恐深入蠻境使其疑懼止令仁霸宣諭詔旨遂皆感服五年詔昨許溪峒蠻夷歸先劫漢口及五十人者特署職名仍聽來貢如聞緣此要利輒掠邊民充數所在切辨察之其年夔蠻千五百人乞朝貢上慮其勞費不許又詔施州溪蠻朔望犒以酒殺初北江蠻酋最

大者曰彭氏世有溪州州有三日上中下溪又有

賜忠順保靜永順等州十七總二十州皆置刺史而以下溪州刺史兼都督主十九州皆隸焉謂之誓下州將承襲都督主率郡酋合議子孫若弟姪親黨之當立者具州名移辰州爲保證申鈐轄司以聞乃賜勅告印符受命者隔江北望拜謝彭氏自世爲下溪州刺史七年下溪州刺史彭士端使其弟仕義貢方物明道初仕端死命仕義爲刺史仕義有子師寶景德中知忠順州慶曆四年以罪絕其奉貢蓋自咸平以來始聽二十州納貢歲有常賜蠻人以其利有罪則絕之其後師寶數自訴請知上溪州皇祐二年始

從其請朝貢如故熙寧五年章惇經制南北江湖北
提點刑獄李平招納下溪州刺史彭師晏誓下州峒
諸蠻各以其地歸版藉師晏遂降詔修築下溪州城
并置砦於茶灘南岸砦名曰黔安戍以兵隸辰州出
租賦如漢民遣師晏詣闕授京東州都監官其下六
十有四人元豐八年湖北轉運使言辰州江外生蠻
願內附詔不許招納其後彭士誠者復為都誓主初
熙寧中天子方用兵以威四夷湖北提點刑獄趙鼎
言峽州峒首刻剝亡度蠻眾願內屬辰州布衣張翹
亦上書言南北江利害遂以章惇察訪湖北經制蠻

事而南江之舒氏北江之彭氏梅山之蘇氏誠州之
楊氏相繼納土剝立城砦使之比內地為王民北江
彭氏已見前南江諸蠻自辰州達于長沙邵陽各有
溪峒曰叙曰峽曰中勝曰元則舒氏居之曰獎曰錦
曰懿曰晃則田氏居之曰富曰鶴曰保順曰天賜曰
古則向氏居之皆受朝命有峽州舒光秀者以刻剝
其眾不附張翹言南江諸蠻雖有十六州之地惟富
峽叙僅有千戶餘不滿百土廣無兵加以荐饑近向
求晤與繡鶴叙諸蠻自相讐殺眾苦之感思歸化願
先招富峽二州俾納土則餘州自歸并及彭師晏之

屏弱皆可郡縣詔下知辰州劉策商度策請如魏言
乃遣章惇察訪未幾策卒乃以石鑑為河北鈐轄兼
知辰州且助惇經制明年富州向晤獻先朝所賜劔
及印來歸順繼而光銀光秀等亦降獨田氏有元猛
者頗桀驁難制異時數侵奪舒向二族地惇遣左侍
禁李資將輕兵往招諭資辰州流人曩與張翹同獻
策者也編宥無謀褻慢夷獠遂為懿洽州蠻所殺惇
進兵破懿州南江州峒悉平遂置沅州以懿州新城
為治所尋又置誠州元祐初傅堯俞王巖叟言沅誠
州荆建以來設官屯兵布列砦縣募役人調戍兵費

鉅萬公私騷然荆湖兩路為之空竭又自廣西融州
新開道路達誠州增置潯江等堡其地無所有湖廣
移賦以給一方民不安業願酌廢置朝廷以沅州
建置至是十五年蠻情安習已久但廢誠州為渠陽
軍而沅州至今為郡元祐初諸蠻復叛朝廷方務休
息痛懲邀功生事廣西張整融州溫嵩坐擅殺蠻人
皆置之罪詔諭湖南北及廣西路曰國家疆理四海
務在柔遠頃湖廣諸蠻近漢者無所統壹因其請吏
量置城邑以撫治之邊臣邀功獻議初通融州道路
逼峒穴致生疑懼朝廷知其無用旋即廢罷邊吏失

於撫遏遂爾扇搖其叛酋楊晟等並免追討諸路所
開道路勅置堡砦並廢自後五溪郡縣棄而不問崇
寧以來開邊拓土之議復熾於是安化上三州及思
廣峒蒙光明樂安峒程大法都丹團黃光明靖州西
峒楊再立辰州覃都管罵等各願納土輸貢賦又令
峒西招納左右江四百五十餘峒宣和中議者以爲
切致熟羌接武請吏竭金帛繪絮以啗其欲捐高爵
厚俸以侈其心開辟荒蕪草創城邑張皇事勢僥倖
賞恩入版圖者存虛名充府庫者存實利不毛之地
既不可耕狼子野心頑冥莫革建築之後西南夷
交寇而溪峒子蠻亦復跳梁士卒死于干戈官吏
於王事肝腦塗地往往有之以此知納土之議非徒
無益而又害之所由生也莫若俾帥臣監司條具建
築以來財用出入之數商校利病可省者省可併減
戍兵漕運而夷狄可撫邊鄙可亡患矣乃詔悉廢所
置初郡

慶曆三年桂陽監蠻徭內寇詔發兵捕擊之蠻徭者
居山谷間其山自衡州常寧縣屬于桂陽郴連賀韶
四州環紆千餘里蠻居其中不事賦役謂之徭人物
有吉州巫黃挺鬼與其兄弟數人皆習蠻法往來常

寧出入溪峒誘蠻衆數百人盜販鹽殺官軍逃匿峒中既招出而殺之又徙山下民他處至是其黨遂合五千人出桂陽藍山縣華陰峒害巡檢李延祚潭州都監張克明事聞擢楊旼提點刑獄督攻討事久之不克遂詔湖南轉運使招撫之始於湖南置安撫司蠻所至殺掠居民縱火劫財物被害者甚衆詔被害者并入山捕蠻土兵蠲復七月差初發兵捕蠻至或誤殺良民仁宗命訪之口給紹州五匹仍拊其家時蠻勢方熾又降勅書委知潭州劉沆招諭能自歸者第錄以官沆大發兵臨之以勅書從事降二千餘人使散

居所部錄其首領皆爲三班奉職五年餘黨唐和等復內寇沆檄楊旼等八路入討覆蕩巢穴捕斬首級甚衆詔官兵有功者九百餘人第遷錄其應募討擊者道州進士十四人並官之然唐和等猶未平又詔如聞賊黨欲降其罷出兵逃匿者諭使歸復州縣拊存之是冬蠻復入寇與胡元及右侍禁趙鼎戰于華陰峒隘口元等死之劉沆楊旼皆坐黜以劉夔代沆爲安撫使夔言唐和等既敗官軍殺將吏聚衆益自疑恐寢爲邊患願以詔書招安就補溪峒首領詔可是時湖湘騷動兵不得息六年夏仁宗顧謂輔臣曰

官軍久戍南方夏秋之交瘴癘為虐其令太醫定方
和藥遣使給之自是繼賜緡錢知桂陽監宋守信奏
唐和嘯聚千餘眾為盜五六年卒未能克者朝廷不
許窮討故也今衡州監酒黃士元頗習溪峒事願得
敢戰士二千引路上丁二百優給金帛使之逐捕必
得然後已彼既勢窮必將款附詔用其策於是大發
兵討之其眾果懼遁入郴州黃莽山由趙峒轉寇英
韶州依山自保是冬帝閱士卒暴露復諭執政密戒
主帥安恤七年唐和遣其子執要領詣官自言願貸
糧米居所保峒中時楊旼復為湖南鈐轄詔趨連韶

州上下與廣南東西轉運使共告諭之使以兵械上
官質其親屬詔補唐和盤知諒等五人為峒主知諒
等蓋唐和黨也至冬其眾悉降

紹興三年臣僚言武岡雷漢峒舊嘗集人戶為義保
蓋其風土習俗服食器械悉同徭人故可為疆場捍
蔽雖曰籍之於官然亦未嘗遠戍靖康間調之以勤
王其後湖南盜起征斂百出義保無復舊制困苦不
勝乃舉其世業客依蠻峒聽其繇役州縣猶驗舊籍
催科胥隸及門則挈家遠徙官失其稅蠻獠日強兼
武岡所屬二州悉為徭人所有遠戍之實已無而鄉

戶弩手之名向在歲取其直人戶咨怨之擇本路監
司詳議以聞詔從之六年知鼎州張魯言鼎澧辰沅
靖州與溪峒接壤祖宗時嘗置弓弩手得其死力比
緣多故遂皆廢闕萬一蠻夷生變將誰與捍禦今雖
各出良田募人以補其額率皆豪強遣僮奴竄名籍
中乘時射利無益公家所宜汰去別募溪峒司兵得
三百人俾加習練足為守禦給田募人開墾以供軍
儲詔荆湖北路帥司相度以聞帥司言營田四州舊
置弓弩手九千人練習武事散居邊境鎮撫蠻夷平
居則事耕作緩急以備戰守深為利便靖康初調

應援河東全軍陷沒今辰沅澧靖等州之兵防守
慮蠻夷生變叵測若將四州弓弩手減元額定為三
千五百人辰州置千人沅州置千五百人澧州靖州
各置五百人分處要害量給土田訓練以時耕戰合
度庶可備禦以所餘閑田募人耕作歲收其租其於
邊防財賦兩得其便可為經久之計詔從之七年張
甯言湖外自靖康以來盜賊盤據澧州所屬尤甚獨
慈利縣向思勝等五人素號溪峒歸明誓捍防拓卒
能保境息民使賊黨無所剽掠而思勝等及思勝
共獻糧助官軍招復諸山四十餘寨宣示效忠功居

多宜加恩賞詔思勝等五人各轉兩資湖廣安撫使
劉昉奏武岡軍徭人有父子相殺者宜出兵助其父
俾還省地上以問輔臣秦檜檢曰恐輕舉生事帝曰
恩威不可偏廢可懷則示之以恩否則威之不侵省
地則已或有所侵奈何不舉俾知所畏哉廣南東路
提刑黃應南言溪峒巡檢尉若官不嚴守備縱民與
徭交通恐啓邊釁乞詔有司申嚴法令俾帥臣監司
常加覺察宰臣以爲沿邊互市恐不宜禁絕帝曰往
年禁西夏互市遂至困兵可令帥司裁決前知全州
高楫言徭人今皆微弱不敢先侵省地若官每縱人

深入畧其財物遂致乖問竊發宜詔與溪峒接壤州
郡毋侵徭人庶民安樂以廣陛下柔遠好生之德帝
從其言詔守臣一遵成法務在撫綏隆興初右正言
尹穡言湖南州縣多賦溪峒省民往往交通徭人擅
自易田豪猾大姓或竊匿其產徭人以避科差內虧
國賦外滋邊患宜詔湖南安撫司袁正經界禁民毋
質田徭人詐匿其產匪人者論如法仍沒入其田以
賞告姦者田前賣人匪人俾爲別籍毋遽奪能還其
田者縣代給錢償之帝從其言乾道六年盧陽西據
獠楊添朝寇邊知沅州孫叔傑調兵數千討之敗績

死者十七八初徭人與省戶交爭殺二人死叔傑輒
出兵破其十三柵寨還所侵地於是徭人相結為亂
諸司請調常德府兵三百人益官兵三千人合擊
討之宰臣虞允文曰蠻夷為變皆守臣貪功所致
今徭人仇視守臣更去叔傑量遣官軍示以兵威
徐與盟誓自可平之帝允其奏裨葉行代叔傑開示
恩信諭以禍福遂與降邊境悉平七年前知辰州章
才邵上言辰之諸蠻與羈縻保靜南渭永順三州接
壤其蠻酋歲貢溪州利於回賜頗覺馴伏盧溪諸蠻
以靖康多故縣無禦乞伶乘隙焚劫後徙縣治於

沅陵縣之江口蠻田田仕羅龔志能等遂雄據其地
沅陵之浦口地平膏腴多水田頃為徭蠻侵掠民
皆轉徙而田野荒穢會守粹無遠慮乃以其地田給
靖州乞伶楊姓者乞伶佃作而課其租所獲甚微楊氏
專其地將二十年六地當沅靖二州水陸之衝一有
蠻隙則為害不細一江謂宜預為之備靖康前辰州每
歲蒙朝廷賜錢七萬貫緇絹布共八千匹綿一萬七
千兩是時本州軍一軍一千四百餘人沿邊一十六
砦士兵六百餘人可贍給其後中外多故今歲賜
止得一萬二千緡而本州財復匱乏無以充召募之

費禁軍止二百餘人諸若土兵止一百五人甚至若
官有全無一兵而徒存虛名者其於邊防豈可不為
深慮若歲給緡錢一萬俾本州募強壯禁軍或効用
二百人分屯盧溪等處以防諸蠻庶使邊患未消可
免異時遣調之費書奏詔湖北帥臣詳議以聞八年
知貴州陳又上疏言臣前知靖州時居蠻夷腹心民
不服役田不輸賦其地似若可棄然為重湖二廣保
障實南服之要區也土以控制失宜或金穀不繼或兵
少振蠻獠則乘時寇而發勤勞王師朝廷當重守臣
選崇寧初戍兵三千人建炎以來每於都統司或

司備兵二千人以備屯戍其凶悍者以州郡

備邊慢守臣反通徑蠻以撓編民州郡非自主帥之

敢治比得報已晚矣故戍兵敢肆其惡一旦有警復

安能為用臣以為宜聽守臣節制為便帝嘉其言復

問左右曰靖隸湖北今聞仰給廣西何也趙雄對曰

靖州本溪峒神宗時勦為誠州元祐間廢尋復為軍

徽宗朝始改靖州與桂州為隣故今廣西給其金穀

之費近歲漕司匱乏乃責辦諸州以故不能如約宜

復舊制俾廣西漕臣如期饋運靖州屯戍官軍聽守

臣節制於是為便帝從之十年全州上言本州密邇

溪峒邊民本非姦惡其始朝廷禁法非不嚴密監司
州都非不奉行特以平居失於防閑故馴致其亂又
兼溪谷山徑非止一途如靖江興安之大通虛武岡
軍之新寧益溪及八十里山永州之東安皆可以徑
達溪峒其地綿亘郡邑非一川得專約束故遊民惡
少之棄本者商族之避征稅者盜賊之亡命者往往
由之以入萃為淵藪交相鼓扇深為邊患如武岡楊
再興桂陽陳峒相繼為亂實原於此為今計者宜徒
開地巡檢兵及分遣士卒屯諸溪谷山徑間俾湖南
廣西帥憲總其役庶幾事權有歸號令可行也十

一年詔禁民毋質徭人田以奪其業俾能自養以息
邊釁嘉泰三年前知潭州湖南安撫趙彥勵上言湘
南州九郡皆即溪峒蠻夷叛服不常深為邊患制馭
之方豈無其說臣以為宜擇素有知勇為徭人所信
服者立為酋長借補小官以鎮撫之況其習俗嗜欲
悉同徭人利害情為莫不習知故可坐而制服之也
五年之間能立勞勩即與補正彼既榮顯其身取重
鄉曲豈不自愛盡忠公家哉所謂捐虛名而收實利
安邊之上策也帝下其議既而諸司復上言往時溪
峒設首領峒主頭角官及防邊指揮等使皆其長也

比年往往行賄得之為害滋甚今宜一新蠻夷耳目如趙彥勵之請所謂以蠻夷治蠻夷策之上也帝從之

此江
西類

二年李元礪羅蓋二寇江西攻破龍泉縣江州駐劄都統制趙選戰死初吉州獲賊長七人繫獄土豪黃從龍為賊畫策賂吉守李綱得縱還賊遂無所忌有侯押隊者領兵戍龍泉境上元礪復用從龍計椎牛醜酒以犒官軍賊至官軍皆醉狼狽散走寇之初起甚微賊伺知議論不一故玩侮官軍方江西力戰則求降湖南湖南戰則求降江西牽制王師使不得相

應援其後命工部侍郎王居正知豫章擒獲之溪峒畧平五年臣僚上言辰沅靖江等州舊嘗募民為弓拏手給地以耕俾為世業邊陲獲保障之安州縣無轉輸之費比年多故其制寢弛猺蠻因之為亂沿邊諸郡悉受其害比申朝廷調兵招捕曠日持久蠻夷習玩成其猖獗之勢其如羅蓋李元礪之徒皆近事之明驗也為今計者宜講舊制可紓饋餉之勞而得備禦之實共安邊息民之長策歟七年臣等復上言沅辰靖二州之地多接溪峒其居內地者皆一省民熟戶山猺峒丁乃居外為理蒸其初區處詳密立法

行事悉有定制峒丁等皆計口給田多寡開挾疆畔
井井擅墾者有禁私易者有罰一夫歲輸租三斗無
他繇役故皆樂為之用邊陲有警衆庶雲集爭負弩
矢前驅出萬死不顧封年防禁日弛山獍峒丁得私
售田田之歸于民者常賦外復輸稅公家因資之以
為利故謾不加省而山獍峒丁之常租仍虛於版籍
責其償益急往不能聊生反寄命狡人或導其入
寇為害滋甚宜敕湖廣監司檄諸部俾循舊制毋廢
庶邊境綏靖而遠人獲安也

渝州蠻者古板楮九姓蠻唐南平獠也其地西南

烏蠻昆明大小播州部族數十居之治平中熟夷李
光吉等三族據其地各有衆數千家間以威勢脅誘
漢戶有不從者屠之沒入土田往往投充客戶謂之
納貞稅賦皆里胥代償藏匿亡命數以其徒偽為生
獠劫邊民官軍追捕輒遁去習以為常密賂黠民覘
守令動靜稍築城堡繕器甲熙寧三年轉運使孫固
使兵馬使馮儀圖之以禍福開諭因遣兵復賓化砦
平蕩三族以其地賦民凡得租三萬五千石以賓化
砦為龍化縣治涪州其外銅佛窠者隸渝州南川縣
地皆膏腴自光吉等平他部族據有之朝廷因補其

土人王才進充巡檢委之荏柅才進死部族無所統
數出盜邊朝廷命熙本討平之是為南平軍以渝州
南川涪州隆化隸焉元豐四年有楊光震者助官軍
破乞弟殺其黨阿訛大觀二年木攀首領趙泰播川
夷族楊光榮各以地內屬詔建泰播二州後皆廢
黔州涪州徼外有西南夷部漢牂牁河郡唐南寧州牂
牁昆明東謝南謝西趙交州諸蠻也其地東北直黔
涪西北接嘉叙東連荆楚南出宜桂俗椎髻左衽或
編髮隨畜牧遷徙亡常喜險阻善戰鬪部族共一姓
雖各有君長而風俗畧同宋初以來有龍蕃方蕃張

蕃石蕃羅蕃者號五姓蕃皆常奉職貢受爵命治平
四年知靜蠻軍蕃落使龍異閣等入見詔以異閣為
武寧將軍熙寧六年龍蕃羅蕃方蕃石蕃八百人入
覲貢丹砂鹽馬其後比歲繼來龍蕃衆至數百人往
返萬里神宗憫其勤詔五姓蕃五歲聽一貢人有定
數及別立首領以息公私之擾元豐七年西南程蕃
乞貢方物願依五姓蕃例注籍從之紹聖四年龍蕃
皆貢方物龍氏於諸姓為最大其貢奉尤頻數使者
但依布袍至假伶人之衣入見蓋實貧陋所冀者恩
賞而已故事蠻夷入貢雖交趾干闥之屬皆御前殿

見之獨此諸蕃見於後殿蓋卑之也

欽定四庫全書
六經左編卷第一 白十七



所
圖
書